



STEFANO MILAZZO

NA CARIZZA

Trovu li risposti a tanti dumanni
mittennumi assittatu nta la via,
taliu a tia chi passi e vai currennu,
la prescia ti cunnuci e ti svaria.

Un canuzzu loccu loccu s'avvicina,
iddu cerca na carizza
è comu a mia;
lu gestu custa nenti,
ma vali assai;
grapi li argi di la vita,
lassa chi l'aceddi volanu,
rumpi lu carruseddu e 'un sarvari,
goriti la vita minutamenti
e quannu poi è junta la to ura
mori cuntenti,
duna la to lodi a Diu di chiddu chi ti detti.
Cerca la so carizza e la truvasti.





MATTEO PAGANO

PRIMAVERA

Primavera tu arrivasti
na lu cori di la genti
tu la gioia ci purtasti
picchè tutti su cuntenti

ci purtasti lu to sulì
e ci porti li to ciuri

lo to sciauvuru si senti
pi tutti li cuntrati
e cantamu allegramenti
picchè a li porti c'è l'estati

e dra capu la muntagna
na crapuzza pasculia
e c'è puru un cagnuleddu
chi fa festa puru a tia

la ciddruzzi su cuntenti
chi ora ponnu già cantari

lu cunigghiu di la tana nesci
fora pi trippiari

porta puru lu to sulì a cuè chi
un po' affacciari
e a cu soffri chiusu dintra
primavera nun ti scurdari,

primavera tu si bedda
quanta gioia porti tu,
primavera siciliana
chi ti fici lu Signuri,
ti criau la cchiù suvrana,
picchè tu porti tanti ciuri,

primavera nammurata
quanti cosi tu ci porti,
ma na cosa nun ti scurdari
ogni annu di turnari.





LILIANA PATTI

LU VENTU DI MARZU

'Na marzu
lu ventu
fa lu masculu
strazzuliannu
li fimmineddi
appena nati
di mennuli e varcochi.


A niatri
chi taliamu
cu priu
l'arvuli ciuruti
nni pari chi 'stu ventu
è tintu assai.

Ma quannu sciuscia
'un voli fari mali
anzi riala
chiddu chi li fimmineddi
aspettanu.

Si nun carinu li ciuri
'un nascinu li frutti novi.

E' propriu veru
'na 'stu munnu
'un c'è vita
senza suffirenza.





NINO PEDONE

L'ARBA DI UN NOVU IORNU


La luna stranuttata s'alluntana
mentri chi s'arrifriddanu li stiddi;
si senti 'n luntanza 'na campana
chi arruspighia vecchi e picciriddi.

Affaccia 'natru iornu e si fa strata,
lu scuru di la notti assicutannu,
a lu cunortu duna 'na spaddata,
la firi e la spiranza accarizzannu.

Spiranza di canusciri e 'ncuntrari
l'arba d' un jornu luminusu e beddu;
li scanti di la genti alluntanari
arrisittannu cori e ciriveddu.

Finestri e purtidduna sbarrachiaru,
aliti di ventu ammunziddannu,
'na ciamma nna lu cori ruspighiari
trageri e 'mpiruggheddi cummigghiannu.





GASPARE PIPITONE

PI 'SSA PICCIOTTA

Parti cavaddu meu 'nfanfariatu,
emu a la festa di Casteddammari,
l'armiggi e lu pinnacchiu è preparatu,
a la me bedda amu a jiri a trovarì.

La vitti sutta un peri di granatu
e nun risistu chiù, com'è ch'haiu a fari?
A tia cunfidu cavadduzzu miu
veniri prestu a fini 'stu disìu.

Arrivannu a la Marina
ci cantamu 'sta canzuna
pi 'sta rosa bianca e fina,
chi 'ntra 'st'isula sbuttuna.
Tra lu suli e l'acquazzina,
cu' la cogghi chi furtuna,
c'è lu re di l'Argentina,
ci mittissi la curuna.

Siddu la sorti nun mi veni dritta,
mi la fujissi prestu a 'sta picciotta,
mi l'assittassi a lu me latu stritta
e poi jittassi du' corpa di zotta
curri mareddu, chi la cinga è stritta,
nun ti scantari si c'è qualchi botta,
quannu arrivamu dintra lu pagghiaru,
idda è la santa ed eu sugnu l'artaru.





GAETANO SARACINO

ADDIVINTAMU FRATI E SORU

Soccu vi cuntu eu nun è un misteru:
vogghiu beni a me mogghi comu l'oru,
ormai pi idda addivintavi un zeru,
ma la rispetterò 'nfina chi moru.
Chi mi rispetta idda eu lu speru,
chi eu pi idda era lu tisoru
e soccu vi staiu cuntannu è fattu veru,
chi ora addivintamu frati e soru.

Aiu ottantacincanni già cumpiuti,
propiu pi chissu semu soru e frati,
su' quattu figghi e semu ben vuluti,
ci n'aiu a cinquantanni maritati.

Avemmu junti unnicci niputi,
ci n'è chi sunnu puru fidanzati,
ci ricu a me muggheri ti li gori,
chi li niputi su' pezzi di cori.






IGNAZINA SCANDARIATO

**CASTEDDAMMARI TERRA
D'AMURI**

Casteddamhari
terra d'amuri,
ti lu dicu
cu tuttu lu cori.
Vasata di lu mari
a li to peri,
l'anticu casteddu,
paisi beddu.
Cantatu
e amatu
di tanti pueta.
Nun c'è ghiornu
c'un t'abbrazzi,
sentu li to carizzi,
lu ciavuru
di lu to mari
'ncantatu
rapi lu me cori
e arrassa
li tristi pinseri.





VITO SOTTILE

STANOTTI MI SUNNAVI A ME MATRUZZA

Stanotti mi sunnavi a me matruzza,
era filici eu nta li so' vrazza;
lu visu risulenti, la vuccuzza
e la facciuzza sua bedda di razza.
M'accarizzava cu la so manuzza
la testa curva mia comu 'na chiazza
e gheu tuttu cuntenti ci dicia:
"Nun mi lassari chiù, matruzza mia!"

E quannu m'arruspigghiu fa pinsari
'na matri d'accussì li chiù sinceri;
di sira a menzannotti s'jia a curcari
ma prima cummigghiava li me' peri.

Ed ora nta lu sonnu mi cumpari
chi forti pi stu figghiu è lu pinseri!
E sempri doppu morta l'aiu 'nvucatu:
è l'ancilu custodi a lu me latu!





VINCENZO VITALE

PASSATU

A li voti mi mettu a ripinzari
a lu passatu di la vita mia,
a quantu cosi mi falliu di fari
e quantu nni lassavi pi la via.

E veramenti su' muccuna amari
sentisi persi e privu di valia:
'nn'aviri chiu' l'arma di pruvari
pur'ancu si la cosa arriniscia.

Quantu pinzeri beddri e valurusi
chi tinniru cuntentu lu me cori!
Quantu jurnati foru firmiciusi!

Ma ora lu me tempu strinci e mori:
taliu 'n avanti e viju chiù cunfusi
soccu m'arresta di fatti e palori.



INDICE

- Presentazione di *Vincenzo Vitale*pag. 3
- **Peppino Caleca**pag. 5
- **Giuseppe Di Salvo**.....pag. 6

POETI JOISTI

- Gino Adamopag. 10
- Dino Altesepag. 12
- Nino Baronepag. 13
- Adele Catalanopag. 14
- Alberto Criscentipag. 16
- Giuseppe Ingardiapag. 17
- Vito Lumia.....pag. 18
- Giuseppe Morfino Piccione.....pag. 19
- Francesco Savalli.....pag. 20
- Marco Scalabrinopag. 21
- Giuseppe Vultaggiopag. 22


POETI DEL CENTRO CULTURALE PEPPINO CALECA

- Cristoforo Anconapag. 24
- Giovanni Arenapag. 25
- Lucia Barberapag. 26
- Bernardo Carollopag. 27
- Salvatore Domingo.....pag. 28
- Angelica Ferrantellipag. 29



- Stefano Ferrantelli	pag. 30
- Antonino Fontana	pag. 31
- Giuseppe Furco	pag. 33
- Giuseppe Gerbino	pag. 34
- Mario Maimone	pag. 35
- Giò Margagliotti	pag. 36
- Onofrio Alfonso Migliara	pag. 37
- Stefano Milazzo	pag. 39
- Matteo Pagano	pag. 40
- Liliana Patti	pag. 41
- Nino Pedone	pag. 42
- Gaspare Pipitone	pag. 43
- Gaetano Saracino	pag. 44
- Ignazina Scandariato	pag. 45
- Vito Sottile	pag. 46
- Vincenzo Vitale	pag. 47





Associazione di Lettere, Arti e Sport Dilettantistica JÒ

CONSIGLIO DI AMMINISTRAZIONE

Presidente:	Rosa Magro
Vice presidente:	Francesco Lombardo
Segretario:	Clemente Pollina
Tesoriere:	Alberto Criscenti
Componente:	Davide Sansica

COLLEGIO DEI REVISORI

Presidente:	Leonardo Altese
Componente:	Vito Criscenti
	Antonino Poma





Centro Culturale Peppino Caleca

CONSIGLIO DIRETTIVO

Presidente:	Vincenzo Vitale
Vice presidente:	Gerbino Giuseppe
Segretario:	Bernardo Carollo
Tesoriere:	Mario Maimone
Consigliere:	Furco Giuseppe
Consigliere:	Cristoforo Ancona
Consigliere:	Angelica Ferrantelli

COLLEGIO DEI PROBIVIRI

Presidente:	Antonino Pedone
Componente:	Onofrio Alfonso Migliara
Componente:	Stefano Milazzo




 Agenzia di consulenza
e intermediazione
Elimi
Immobiliare

VENDITE - ACQUISTI - LOCAZIONI
GAETANO DI BARTOLO

Viale Umberto I, 24 - Castellammare del Golfo (TP)
cell. 339. 57.35.570

Lumiano Tarconia

Corso Garibaldi, 14
 Via Calata, 5
 91014 C/MARE DEL GOLFO (TP)
 P. IVA 01631010514


Furco Teresa
 di Furco Vincenzo & C. sas

CENTROGOMME - CONVERGENZA - GAS IN BOMBOLE

C/da Gemma d'Oro - tel/fax 0924.32144
 91014 Castellammare del Golfo (TP)


GAROFALO
 INFESI

35-187 - C/DA MORTILLI
 91014 C/MARE DEL GOLFO (TP) ITALY
 TEL. 0924 31147 - FAX 0924 524252
 CELL. 338 3618893 - 339 2630946

www.garofaloinfesi.it
info@infesitvaggiatori.it
 P. IVA 01631010514

C/DA MARE DEL GOLFO


Il Gitano
 RESTAURANTE

Piazza Europa, 5 - C/MARE DEL GOLFO (TP)
 Tel. 0924 334936 cell. 334 2585205 - 334 3811518

